

Sprengdu neðanjarðargöng Hamas

● Vika liðin frá upphafi átakanna fyrir botni Miðjarðarhafs ● Rúmlega 200 sagðir hafa fallið á Gaza-svæðinu frá því á mánudaginn ● Bandaríkjamenn koma aftur í veg fyrir ályktun öryggisráðsins

Stefán Gunnar Sveinsson
sgs@mbll.is

Ísraelski flugherinn hélt áfram loftárásum sínum á Gaza-svæðið í gær, en þá var liðin vika frá upphafi átaka Ísraelsmanna og Hamas-samtakanna, sem fara með stjórn á svæðinu. Heilbrigðisráðuneyti samtakanna sagði að rúmlega 200 manns hefðu fallið og um 1.300 særst af völdum loftárásanna frá því að þær hófust. Tíu Ísraelar hafa nú fallið af völdum eldflaugaárása frá Gaza og rúmlega 300 særst.

Stjórnvöld í Ísrael hafa heitið því að aðgerðum þeirra muni ekki linna fyrr en Hamas og önnur samtök vígamanna á Gaza-svæðinu hætta eldflaugaárásunum sínum á Ísrael, en þar sem stjórnvöld segja að rúmlega 3.200 eldflaugum hafi verið skotið á landið á þeirri viku sem liðin er frá upphafi átakanna.

Beindust loftárásir Ísraelsmanna að ýmsum skotmörkum í gær, en talsmaður hersins sagði að meðal annars hefði verið ráðist að heimilum níu háttsettra fóringja í Hamas-samtökunum. Þær árásir koma í kjölfar loftárásar á heimili Yahya Sinwar, leiðtoga stjórnmaláarms samtakanna. Engar fréttir bárust hins vegar af mannfalli þar.



Atök Ísraelskir hermenn skjóta hér úr 155 mm howitser-fallbyssu að Gaza-svæðinu frá landamærum Ísraels.

Hins vegar staðfestu Ísraelar að þeim hefði tekist að fella herforingja í samtökunum Heilagt stríð, sem einnig hefur haft bækistöðvar á Gaza-svæðinu.

Orrustubotur Ísraelsa réðust einnig að kerfi neðanjarðarganga á vegum Hamas-samtakanna, en þau liggja að hluta til í gegnum svæði þar sem íbúabyggð er.

Áætlað er að loftárásir Ísraelsmanna hafi neytt um 38.000 manns á flóttu og eyðilagt heimili um 2.500, samkvæmt mati Sameinuðu þjóðanna. Þá gerðu Ísraelsmenn

einnig atlögu að mikilvægum innviðum á svæðinu, þar á meðal raforkukerfi þess, en sagt var að það gæti einungis sinnt um einum fjórða af orkuþörf íbúa Gaza.

Kallað eftir vopnahléi

Helstu stórveldi heims hafa kallað eftir vopnahléi og að báðir aðilar láti af árásum sínum. Emmanuel Macron Frakklandsforseti og Abdel Fattah al-Sisi, forseti Egyptalands, ræddu ástandið í Parísarborg í gær og lýstu yfir áhyggjum sínum af mannfalli meðal óbreyttra borgara. Þá samþykktu þeir að vinna saman að því að komið yrði á vopnahléi án tafar.

Hady Amr, fulltrúi Bandaríkja-stjórnar í málefnum Ísraels og Palestínu, ræddi í gær við Mahmoud Abbas, forseta Palestínunnar, í Ramallah á Vesturbakkanum. Hvatti Abbas Bandaríkjamenn, sem hafa verið helstu bandamenn Ísraels í gegnum tíðina, til þess að koma í veg fyrir frekari loftárásir þeirra.

Bandaríkja-stjórn kom hins vegar í veg fyrir að öryggisráð Sameinuðu þjóðanna samþykkti sameiginlega ályktun um átökin í þriðja sinn í gær, en Bandaríkjamenn segja að slík ályktun gæti hindrað Amr og tilraunir hans til að stilla til friðar.

Bóluefnin virki gegn afbrigðinu

● Bretar mega aftur ferðast erlendis

Bresk stjórnvöld eru sannfærð um að þau bóluefni gegn kórónuveirunni sem þegar eru í notkun myndu ná að veita vörn gegn indverska afbrigðinu svenofnda, en tilfellið þess hefur fjölgað nokkuð í Bretlandi að undanföngu. Matt Hancock, heilbrigðisráðgjafi Bretlands, greindi frá þessu á sunnudaginn, en mat Breta byggist meðal annars á bráðanbirgðaniðurstöðum vísindamanna við Oxford-háskóla.

England, Skotland og Wales létu í gær á sumum af helstu sóttvarmaaðgerðum sínum, og máttu íbúar þeirra nú m.a. fara á öldurhús og krár, ferðast til útlanda á svonefndum „grænum lista“ og sjækja leikhús og kvikmyndasýningar á ný.

Rúmlega 1.300 tilfelli indverska afbrigðisins hafa nú greinst á Bretlandi, og eru þau flest í borgunum Bolton og Blackburn á Norðurland-Englandi. Sagði Hancock að af-



Afléttingar Bretar gátu aftur sótt hverfisþöbbinn í gær eftir langa bið.

brigðið gæti farið sem „eldur í sínu“ meðal þeirra sem ekki hefðu fengið bólusetningu, og því væri brýnt að hraða henni meðal Breta yfir fimmtugu sem og fólks í áhættuhópum. Þá varði Hancock ákvörðun stjórnvalda um að loka ekki fyrr á ferðalög milli Bretlands og Indlands.

Varar Vesturveldin við ásælni á norðurslóðum

Sergei Lavrov, utanríkisráðgjafi Rússlands, réð í gær Vesturveldunum frá því að gera kröfur eða tilkall til norðurslóða. „Það hefur verið öllum ljóst um langa hróð að þetta er okkar svæði, þetta er okkar land,“ sagði Lavrov á blaðamannafundi sínum í Moskvu, en hann heldur sem kunnugt er til Íslands í vikunni til þess að sitja fund Norðurskautsráðsins.

Ummæli Lavrovs eru þáttur í togstreitu risaveldanna um ítök og völd á norðurslóðum, en Antony Blinken, utanríkisráðgjafi Bandaríkja, sagði í ræðu sinni í síðasta mánuði að Rússar væru að reyna að nýta þær breytingar sem hlýnum jarðar hefði valdið á norðurslóðum



Sergei Lavrov

til þess að reyna að ná sem mest um ítökum þar. Blinken og Lavrov munu funda í fyrsta sinn hér í Reykjavík.

Lavrov setti hins vegar spurningarmarki við framferði Bandaríkja og Atlantshafsbandalagsins, og hét því að hreinskiptnar umræður myndu fara fram á fundinum í Reykjavík. Þá lagði Lavrov til að æðstu yfirmenn herafra ríkjanna sem skipa ráðið tækju upp regluglægt samráð.

Greiðsluáskorun

Innheimtumenn ríkissjóðs skora hér með á gjaldendur eftirtalinnna gjalda að gera skil nú þegar eða í síðasta lagi innan 15 daga frá dagsetningu áskorunar þessarar:

Gjöldin eru: Staðgreiðsla tekjuskatts, útsvars og tryggingagjalds sem fallið hefur í eindaga til og með 17. maí 2021, virðisaukaskattur sem fallið hefur í eindaga til og með 5. maí 2021 og önnur gjaldfallin álögð gjöld og ógreiddar hækkanir er fallið hafa í eindaga til og með 17. maí 2021, á staðgreiðslu tekjuskatts, útsvars og tryggingagjalds, virðisaukaskatti, virðisaukaskatti í tolli, vanskilum launagreiðenda á gjöldum í og utan staðgreiðslu, fjármagnstekjuskatti á skilaskylda aðila, áfengisgjaldi, bifreiðagjaldi, úrvinnslugjaldi, olíugjaldi, kílómetragjaldi, gistináttaskatti, fjársýsluskatti, vinnueftirlitsgjaldi, vörugjaldi af innlendi framleiðslu, vörugjaldi af ökutækjum, eftirlitsgjöldum, árgjöldum, aðflutningsgjöldum, skilgjaldi á umbúðir, fasteignagjöldum, skipulagsgjaldi, skipagjöldum, jarðarafgjaldi, sektum skattannsóknarstjóra, ofgreiddri uppþót á eftirlaun, ofgreiðslu stuðnings úr ríkissjóði vegna greiðslu hluta launakostnaðar á uppsagnarfresti, eftirlitsgjaldi Fjármálaeftirlitsins, árgjaldi handhafa markaðsleyfis, veiðigjaldi og álögðum þing- og sveitarsjóðsgjöldum, sem eru:

Teikjuskattur og útsvar ásamt álagi á ógreiddan tekjuskatt og útsvar, útvargsgjald, gjald í framkvæmdasjóð aldraðra, slysatryggingagjald vegna heimilisstarfa, auðlegðarskattur og viðbótar auðlegðarskattur, fjármagnstekjuskattur ásamt álagi á ógreiddan fjármagnstekjuskatt, ógreiddur tekjuskattur af reiknuðu endurgjaldi ásamt álagi, búnaðsgjaldi, sérstakur fjársýsluskattur, sérstakur skattur á fjármálaeftirlitæki, jöfnunargjald alþjónustu, ofgreiddar barnabætur og ofgreiddar vaxtabætur.

Fjárnáms verður krafist án frekari fyrirvara að þeim tíma liðnum fyrir vangoldnum eftirstöðvum gjaldanna ásamt dráttarvöxtum og öllum kostnaði, sem af innheimtu skuldarinnar kann að leiða, á kostnað gjaldenda.

Athygli skal vakin á því að auk óþæginda hefur fjárnám í för með sér verulegan kostnað fyrir gjaldanda. Fjárnámsgjald í ríkissjóð er allt að 25.000 kr. fyrir hvert fjárnám. Þinglýsingargjald er 2.500 kr. auk útlagðs kostnaðar eftir atvikum. Eru gjaldendur hvattir til að gera full skil sem fyrst til að forðast óþægindi og kostnað.

Þá mega þeir gjaldendur, sem skulda staðgreiðslu, staðgreiðslu tryggingagjalds, vörugjald, áfengisgjald, fjársýsluskatt, gistináttaskatt og virðisaukaskatt, búast við því að starfsemi þeirra verði stöðvuð án frekari fyrirvara, þeir gjaldendur er skulda bifreiðagjöld og kílómetragjald mega eiga von á að skráningarnúmer verði tekin af ökutækjum þeirra án frekari fyrirvara og þeir gjaldendur sem skulda gjöld þar sem lögveð fylgir mega búast við að send verð út sérstök greiðsluáskorun fyrir gjaldföllnum kröfum. Greiðsluáskorunin hefur ekki áhrif á þessi innheimtuúrræði þannig að fyrrgreindur 15 daga frestur frá dagsetningu áskorunar þessarar gildir ekki í þessum tilvikum.

Reykjavík, 18. maí 2021

Ríkisskattstjóri
Sýslumaðurinn á Vesturlandi
Sýslumaðurinn á Vestfirðum
Sýslumaðurinn á Norðurlandi vestra
Sýslumaðurinn á Norðurlandi eystra

Sýslumaðurinn á Austurlandi
Sýslumaðurinn á Suðurlandi
Sýslumaðurinn í Vestmannaeyjum
Sýslumaðurinn á Suðurnesjum